

Mai 13, 2008  
Tapvainak Tusagatsak

## **katimattet katimatitsigalalâttut ikullaumititsigasualutik imaganninik ejalukattumanninik Nunatsiavummi**

Pimmagittuit katimattet tilijaumajut Nunatsiavut katimattinnut sakKititsigiamut Panaigutiugajattunik adjigengitunik uKumailutauKattajunik katimatitsigalalâmijut wogeni Kaijuni ikullaumitigasualugit imigannet ammalu ejalukait tikititauKattajut Labrador Inuit Nunanginut.

Imigannimut ammalu Ejalukattumannimut Tusâjiullutik katimattet, sakKititaumallutik 2006-imi, katiKatigelauttut tâtsumani takKimi uKâlautigillugit ammalu sivullipautitaugialet 200-inejuni pikKujaugusinni tunijauKattalauttut nunalet tusâttauKattaniammata Labrador Inuit Nunanginni, North West River ammalu Happy Valley-Goose Bay.

“Nunatsiavut kavamanga ilitatsijuk ikKananninganik napvâgasuagiamik kamagiamut imigannet ammalu ejalukattumannet piunigilivallianinganik nunagijattini,” uKajuk Nunatsiavut Ministeringa Anniasiunnimut ammalu Inogusiujuut Pivalliatitaunitsanginnut, Greg Flowers. “Attuinigijanga pilukanniup kinakkutuinnanut ammalu ilagengujunnt ilonnânevuk Nunatsiavummi, puttujolitulugit imminennt ammalu pilukâgutinnet asingillu piungituit.”

Wogeni Kaijuni katimattet katiKatauKattaniattut ukununga:

- RCMP uKâlautigillugit aullaiKattanet imialunnik ammalu aullaiKattanet ejalukannik Nunatsiavu nunagijanginni, ammalu Kanuk Nunatsiavut kavamanga suliaKausiKagunnamangât polesikkulu sâlagigasualugu tamanna;
- Tingijoligijet pidjutautillugit imialuit tikititauKattaninginnik Inuit Nunagijanginnut;
- Newfoundland amma Labrador Liquor Corporation pidjutigillugit kamatsiagiaKanningit aullaijiullutik imialunnik Nunatsiavummut, pivitsaKallutik ikillitigiangit imialuit tikititauKattajut kinakkunnt Nunatsiavummi, KaujitsiKattalutik pilukâguatujaujunik atâgut Liquor Control Maligatsanginni ammalu kamatsiaKullugit;
- Ilonnatik imialluniak aullaigiamut laisinsilet pidjutigillugit isumâlutaujut, ammalu ikajutsiKullugit pitsâtailigiamut imigalluni;
- SuliaKapvinga Maligatsaligijet angajukKauningit uKâlautigillugit imigannet talannatunillu (ilautillugu aullaiKattanet) Nunatsiavummi piluattumik pasigatsautitaugutitsanik pilukâjuKappat, ikajutsilugi Kinijauget, asingillu.



**Nunatsiavut**  
kavamanga Government

katimattet pikKujimmijut ilonnatik Nunatsiavut kavamangata sakKitijangit piusigalait imiganningimmut, ammalu Kaujitsiutet ilijautillugit Inuit Nunagijanginnut nalunaitsilutik aullaigalannet imialunnik siKumitsininganik ammal pasijaujuKagajalluni pisijuKappat imialunnik aullaiKattajunit.

**Kaujigiallagumajut Kaujitsilit:**  
Greg Flowers, Minister  
(709) 933-3743